

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი**
ბრძანება N 01-02/75

ქ. ბათუმი

03 ივნისი, 2021 წ.

„2020-2021 სასწავლო წელს ბსუ-ში სტუდენტთა საუნივერსიტეტო სამეცნიერო კონფერენციის ჩატარების ვადების განსაზღვრის შესახებ“ ბსუ-ს რექტორის 2021 წლის 01 თებერვლის N01-02/11 ბრძანებაში ცვლილების შეტანის შესახებ

საქართველოს ზოგადი ადმინისტრაციული კოდექსის 53-56-ე, 63-ე მუხლების, „უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, ბსუ-ში სტუდენტთა საუნივერსიტეტო სამეცნიერო კონფერენციის ჩატარების წესის დამტკიცების შესახებ“ ბსუ-ს წარმომადგენლობითი საბჭოს 2018 წლის 26 თებერვლის N02 გადაწყვეტილებისა და ბსუ-ს სტუდენტთა კარიერული განვითარების, კულტურისა და სპორტის დეპარტამენტის სტუდენტთა კარიერული განვითარებისა და მხარდაჭერის განყოფილების წამყვანი სპეციალისტის გოჩა სურგულაძის 2021 წლის 31 მაისის N500948 სამსახურებრივი ბარათის საფუძველზე

ვ ბ რ ძ ა ნ ე ბ:

1. „2020-2021 სასწავლო წელს ბსუ-ში სტუდენტთა საუნივერსიტეტო სამეცნიერო კონფერენციის ჩატარების ვადების განსაზღვრის შესახებ“ ბსუ-ს რექტორის 2021 წლის 01 თებერვლის N01-02/11 ბრძანების პირველი პუნქტის „ე-მ“ ქვეპუნქტებში შევიდეს ცვლილებები და ჩამოყალიბდეს შემდეგი რედაქციით:

„ე) სტუდენტთა კარიერული განვითარების, კულტურისა და სპორტის დეპარტამენტის მიერ სტუდენტურ პორტალზე განთავსებული სტუდენტთა ნაშრომების ელექტრონული საქმისწარმოების შესაბამისად მიწოდება შესაბამისი ფაკულტეტის დარგობრივი დეპარტამენტებისათვის - 2021 წლის 6 ივნისი;

ვ) სამეცნიერო ნაშრომების შეფასება შესაბამისი ფაკულტეტის დარგობრივი დეპარტამენტების მიერ (სამეცნიერო ნაშრომების შეფასების I ეტაპი - კონფერენციაზე წარდგენის შემთხვევაში საერთო შეფასების 3/5-ის (30 ქულის) ფარგლებში) – 2021 წლის 7 ივნისიდან 17 ივნისის ჩათვლით;

ზ) დარგობრივი დეპარტამენტების მიერ შეფასებული ნაშრომების (თითოეული დარგობრივი დეპარტამენტიდან არანაკლებ 5 და არაუმეტეს 10 ნაშრომის) შესახებ ინფორმაციის (მინიჭებული ქულების მითითებით) ბსუ-ს რექტორისათვის წარდგენა - 2021 წლის 18 ივნისი;

თ) სტუდენტთა კარიერული განვითარების, კულტურისა და სპორტის დეპარტამენტის და სამეცნიერო კვლევების სამსახურის კოორდინირებული მუშაობით დარგობრივი დეპარტამენტებიდან მიღებული ინფორმაციის დამუშავება და დარგობრივი

მიმართულებების მიხედვით არაუმეტეს 10 საუკეთესი ნაშრომის გამოვლენა (შეირჩევა ის ნაშრომები, რომელთაც დარგობრივი დეპარტამენტის 3-წევრიანი კომისიის შეფასების მიხედვით მიღებული აქვთ არანაკლებ 16 ქულა. საუკეთესო ნაშრომები შეირჩევა რიგითობით ზემოდან ქვემოთ, 30-დან 16 ქულამდე) - 2021 წლის 19 ივნისი;

ი) სტუდენტთა კარიერული განვითარების, კულტურისა და სპორტის დეპარტამენტის მიერ წინამდებარე დებულებისა და ბსუ-ს რექტორის ბრძანებით დადგენილი მოთხოვნების გათვალისწინებით კონფერენციის პროგრამის შედგენა და განთავსება ბსუ-ს ოფიციალურ ვებგვერდზე და სტუდენტურ პორტალზე. პროგრამაში უნდა მიეთითოს თითოეული სექციის მუშაობის დრო და ადგილი (სექცია იქმნება სამეცნიერო დარგის/მიმართულების მიხედვით, თუ წარმოდგენილია მინიმუმ 5 სამეცნიერო ნაშრომი, წინააღმდეგ შემთხვევაში სამეცნიერო ნაშრომი დარგის/სტრუქტურის მიხედვით მომიჯნავე სამეცნიერო დარგის სექციაში, ასეთის არსებობის შემთხვევაში) – 2021 წლის 21 ივნისი;

კ) სტუდენტთა კარიერული განვითარების, კულტურისა და სპორტის დეპარტამენტის და სამეცნიერო კვლევების სამსახურის კოორდინირებული მუშაობით კონფერენციის საორგანიზაციო კომიტეტისა და კონფერენციაზე წარმოდგენილი ნაშრომების შემფასებელი კომისიის შემადგენლობის განსაზღვრის შესახებ ბსუ-ს რექტორის აქტის პროექტის მომზადება და წარდგენა - 2021 წლის 22 ივნისი;

ლ) კონფერენციის გამართვა, კონფერენციაზე საჯაროდ წარმოდგენილი ნაშრომების შესაბამისი კომისიის მიერ შეფასება და კომისიის ოქმის ბსუ-ს რექტორისათვის წარდგენა - 2021 წლის 23-24 ივნისი ;

მ) კონფერენციაზე წარმოდგენილი ნაშრომების შემფასებელი კომისიის ოქმის საფუძველზე სტუდენტთა კარიერული განვითარების, კულტურისა და სპორტის დეპარტამენტის მიერ კონფერენციის მონაწილე სტუდენტების დაჯილდოების შესახებ ბსუ-ს რექტორის ბრძანების პროექტის მომზადება და წარდგენა. - 2020 წლის 25-26 ივნისი.“

2. ბრძანება აღსასრულებლად და გასაცნობად დაეგზავნოს ბსუ-ს რექტორის მოადგილეებს (თ. სირაძე, ნ. წიკლაშვილი), ხარისხის უზრუნველყოფის სამსახურს, ბსუ-ს ადმინისტრაციის ხელმძღვანელს, ფაკულტეტებს, საფინანსო-ეკონომიკურ დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს (მათ შორის ამირან შარაძე, გოჩა სურგულაძე, ლაშა მიქელაძე), სამეცნიერო კვლევების სამსახურს, საინფორმაციო ტექნოლოგიების სამსახურს, სამეცნიერო-კვლევით ერთეულებს, იურიდიულ დეპარტამენტსა და სასწავლო პროცესის დეპარტამენტს.

3. წინამდებარე ბრძანება შეიძლება გასაჩივრდეს მისი გამოცემის დღიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის ქ. N30).

4. ბრძანება ამოქმედდეს ხელმოწერისთანავე.

რექტორი, ასოცირებული პროფესორი

მერაბ ხალვაში